

國
朝
詞
綜
補

國朝詞綜補卷二十四

無錫丁紹儀杏船韻

朱

彭

補一首

周賡

一首

嚴元照

補十三首

丁子復

二首

車持謙

補四首

黃承增

三首

汪度

補八首

馮雲鵬

二首

徐張維

一首

周良

一首

邵廣銓

補八首

侯士驤

八首

李堂

補六首

楊嗣興

三首

朱

彭

字亦簾號青湖錢塘人貢生有泐船簫譜

百字令

曉過長橋荷風扇涼情芳襲人遙望煙村頗羨湖居之樂填此寄興

棧鞋桐帽向湖灣散步蔚藍天朗舊有濂溪祠宇在門
外芙蓉正放露浥紅苞風搖翠蓋顆顆圓珠盪披襟延
賞水邊容我蕭爽隔浦網戶漁村綠楊影裏蓑袂紛
來往如此幽居良不惡忽動水天遐想放鴨莎汀撈蝦
荻渚合作西湖長移家何日撒波柔櫓遙響

周 賡

字蓮渠錢塘人諸生

浣溪紗

車秋舫囑題金袖珠校書水仙畫冊

活脫誰摹小樣賤冰肌裊裊骨纖纖絕無言處賺人憐
抱影已和秋共瘦淩波還望月能圓湘風湘雨恣去

嬾媚

嚴元照

字修能歸安人貢
生有柯家山館詞

柳梢青

盼得春來春風散盡舊日閒愁卻又因伊無端憔悴重
上眉頭 迢迢月到紅樓凝望處魂銷也不春水樓前
東流無語一樣悠悠

憶秦娥

花陰仄晝長難得紗窗黑紗窗黑遙山如畫夕陽簾隙
故鄉迢遞空相憶深閨一片愁如織愁如織江南春
好杏花時節

減字木蘭花

淡雲微雨枝上嬌紅嬌欲語卷地風吹無語嬌紅片片
飛莫嫌風惡不見無風花不落一任花殘還惜殘花
子細看

相見歡

斜陽只在樓西暮煙迷一色長堤芳草又萋萋春情
嬾春腸轉翠眉低惆悵十年前事再休提

鷓鴣天

淩亂殘英露井東三更禁雨五更風游絲苦要留春住
自向庭心胃落紅高閣靜翠簾空今年花事忒匆匆

花開還有明年在惆悵芳華逝水同

清平樂

春分過了依舊春寒峭細柳含風剛裊裊已織愁絲多
少紅窗幽夢無憑長堤芳草無情幾陣杏花疏雨看
看又是清明

好事近

微雨過簾櫳牆角杏梢紅溼側側輕寒無那做春陰如
墨去年風物故依然夢斷楚雲碧不怕瑤臺路迴怕
鴛鴦頭白

祝英臺近

峭寒輕晴晝永特地卷珠箔池上桃花紅意已非昨倚
闌欲問東風吹開幾日又何苦將他吹落怨風惡細
算卻是桃花生來命原薄隨意天斜只合傍籬約無端
移近房櫳釀成春恨悔當日用心真錯

破陣子

亞水柳眉翠瘦拂牆杏臉丹融心事碧城春欲暮消息
紅樓訊未通春情似水慵鳳紙牋愁字密鮫綃寄淚
香濃一縷相思牽不斷繞徧巫山十二峰除非夢裏逢

菩薩蠻

菰蒲雨過紅衣卸荷塘一半秋香謝翠葢顛亭亭鴛鴦

眠未醒 采蓮雙玉腕羅袖黃金釧畫檠怨來遲綠波
風起時

鵲橋仙 憶山居

婆娑老桂嬾娟修竹籬下黃花無數故鄉最好是清秋
怎不喚扁舟歸去 紅燈搖暈翠簾垂地寂寞夜寒窗
戶算來何事最縈心是一抹遙山眉嫵

人月圓 春寒雨雪病軀殊不能支擁爐偃卧偶成此解

連宵風霰敲窗急冷落負芳春繡牀金鴨香殘灰燼誰
與溫存 暗摧華鬢能消如此幾箇黃昏梅花落盡詞
人老去一樣銷魂

卜算子

淚眼鎮相看分手渾無語門外分明見遠山山外知何處
雙槳載愁來又送愁歸去今夜紅閨夢裏人獨聽
孤篷雨

丁子復

字小鶴嘉興人諸生

滿江紅

留滯西湖有年戊辰冬初將返禾中賦此誌別

鴻影連江卻不道霜颿吹驟肯浪擲爪痕點點秋光輕
負一月閒心鷗外遠兩湖清響尊前有悵臨風何處覓
坡翁頻搔首 屐未折穿雲走船不繫搖風久向亂泉
聲裏禪關徧叩坐到南屏鐘動處飽看西子妝成後閒

青山別後倚晴空相思否

百字令

願丈萊厓囑題鄧尉探梅圖卽用其韻

山容覺瘦正淡抹煙霞冷香飛樹寒撲蹇驢行瑟縮詩
思撩人無數雪豔扶來冰魂喚起滿把幽懷付此情誰
識一丸涼月堪訴最是翠羽無聲縞衣不至那得留
人住香韻若蘇泉底骨定向風前續句恨不同君攜將
蠟屐踏徧銅坑路畫圖索笑斷魂還爲君賦

車持謙

字子尊號秋船上元人詣生有捧花樓詞

采桑子

青溪記事

一聲欸乃青溪渡楊柳蕭疎三兩啼鳥門對青山展畫

圖 鵲媒連日徵芳訊
斛與眞珠載入鴛湖才信羅敷
自有夫

洞仙歌

一枝春影看婷婷
娉娉嬌嬌驚綃平鋪珮環悄
憶花邊踏雪
雪外籠花早留下今日相思畫稿
玉樓芳訊遠鳳紙
題殘底處傳言盼青鳥
何事尙飄零訴與蘭因已不是
那時懷抱待覓著仙山返生香好
天上人閒離愁償了

望海潮

紅牙誰拍鳥絲親
按偎人蟲暈才挑蝴蝶夢
迴枇杷恨
斷酸心細譜無聊
潘鬢已飄蕭甚勞薪苦竹過了朝朝

重省前遊半篷新綠話溪橋。爨邊暗自魂銷盼中郎。
何處尾已先焦。黯淡淚痕荒唐病。訊帶圍寬減吟腰客。
裏雁書遙聽畫眉聲遠。鄉緒空撩消遣秋情。鳳凰臺上好吹簫。

玲瓏四犯

臨春閣用周密體

閣迴臨春已香散。沈檀重問無地。銅狄摩挲轉恨奈何。
爲帝聞說複道凌空。可望見攔江千騎。悔不如狎客裁
牋。曲曲朱闌都倚。後庭傳出君王製。譜新聲麗華能
記。念家山破柔腸斷。消受此閒曾幾。憑待夢醒雞臺等
是一般興替。剩多情壁月還省識年時事。

黃承增

字心盒歙縣人監生有寄鷗閒館詞

南歌子

瘦覺香羅褪寒教繡被添新來小極更堪憐宛似露敲
風颭小紅蓮眉鎖愁難展心期悵易愆無多絮語枕
函前猶勝一燈如豆夜如年

高陽臺

冬日畏寒枯坐有憶

鴛鴦凝霜雁燈低燭夜長添炷薰鑪靜悄花房斷無人
叩銅鋪若回端正窺春面算只有窗外銀蟾耿分明壁
月前身瓊樹三株小叢最小尤矜重稱千金買笑十
斛量珠軟護豐貂額痕嬌褪黃初仙源尙阻漁郎棹似

凝冰未泮重湖采蘋花悔不秋江化作輕鳧

百字令

戊辰花朝後湖晚步次范白舫韻

嫩寒新霽窄縷金一色碧絲新墜那不攀條紫客緒憑
借行吟遣此暖試鶯喉豔舒花纈濃綠添明媚平蕪小
闢青鞋黏得香膩休悵小杜而今尋芳較晚浪跡淹
塵市須信東風猶未嫁靜處東牆之姊綺閣評花旗亭
貫酒漫道無才思幽探情愜暮煙一任沈紫

汪度

字鄴樓上元人諸生有玉山堂詞

齊天樂

遊觀音山

一峰削翠千峰紫澄江秀橫吳楚石燕翔雲風脈吹浪

鏡裏垂虹飛渡懸崖寺古指金碧樓臺層層煙樹清磬
聲中櫂歌三兩出前浦攀蘿重試屐齒認芝凝雪竇
苔瀉鍾乳對佛延春逢僧說偈香沁茶煙幾縷斜陽認
取甚紅趁桃花柳團飛絮遮斷絲鞭馬頭風亂舞

風入松 春暮獨坐

東風無力送楊花流水一隄斜斜陽雨後無多豔弄春
陰簾外輕遮柔綠鋪勻林隙嫩紅吹上文紗看花人
似鬧蜂衙香影簇雲霞樓臺十二閒憑徧問今年燕子
誰家悄聽松聲沸耳小奚催試新茶

綺羅香 新綠

峭碧煙沈飛紅影倦作意東風渲染細雨輕煙一夜靚
痕吹滿漸繞徧春水池塘早暗到夕陽庭院記霜林黃
葉無多只今回首漫腸斷 踏青期已過也黯黯春魂
欲睡蜂憨蝶嬾非霧非雲莫辨翠禽飛轉認幾處嫩剝
蕉心閒底事媚窺柳眼說芳年似水爭流鬢痕依舊淺

金縷曲

車秋舫亡室方蓮漪夫人紅蠶閣遺藁中
有句云飛入湘簾雙燕子一銜柳絮一銜
花爲時傳誦秋舫近作玉臺春影圖爲題
此闕

畫棟春無恙是年時垂楊院落天桃門巷萬縷柔條青
踈地冒住落紅三兩任玉翦涎涎作來往舊壘新巢營
欲徧待商量雙把殘春葬銜不盡似怊悵 窺簾可憶

窗紗微拂蠻牋有人曾費瑤思霞想詠絮清才天付與
寫出紅襟飄蕩不信便秋墳孤唱環珮聲沈纖月墮只
昏鴉啼亂棠梨上魂記否舊吟幌

滿江紅

往歲甲子荷花生日余譙同輩於莫愁湖
上計二十四人今以六月廿有八日重履
其地客星四散煙水一空俯仰陳跡畫壁
歌之

碧柳絲絲繫不住華年無恙恁一陣湖風吹縐蓮波輕
蕩舊夢鴛鴦三十六盈盈祇共愁來往恰萍衣開處認
分明來漁榜銀牆畫銀鈎漾雕梁覆雕闌障便登樓
縱目江山如掌絮酒綠分今昔味斜陽紅抱升沈想對
野僧似鶴立多時塵心爽

踏莎行 莫愁湖夜泛

雁獵鳬香鷺窺魚夢寒波剗鏡秋無縫萍花一道鷁催
開愁煙愁雨鳥篷重 雪藕衣乾霜葭絮擁是誰癡把
愁根種隔江山逗隔城山螺痕猶趁金堂送

菩薩蠻

弄晴作雨春無定濃煙如幕遮芳徑燕子幾時來捲簾
空下階 落梅風乍起綠縐橫塘水柳眼欲窺人含羞
眠不成

探春慢

雪後游益山園

晴色烘雲燒痕酥凍花風又遞梅信山笑人忙春催人

醉銷得幾絲塵鬢。聽雪聽簫鼓。早聽說。元宵燈近。憑誰
挽住年華。振衣還向千仞。目極遠天斷浦。接江水蓬
蓬。帆曳離恨。萍綠牽愁。槐黃引夢。何似蒲團眠穩。湖海
供遊眺。對老佛。尙餘詩興。莫問歸遲。孤城寒氣吹暝。

馮雲鵬

字海晏江蘇通州人諸生有紅雪詞

菩薩蠻

棟花

東風席捲春歸去。聲聲布穀啼。烟雨生。恐負韶華多情
是棟花。羣芳零落。易可有金鈴。繫紫燕。拂溪光。秧針
刺水長。

苦棟結實卽金鈴子

水調歌頭

遊狼山

驅馬出南郭舉首五名山紫琅中峙江北秀絕是巉巖
幾疊雲峰霧嶠幾許詩情畫意摹擬不能殫一塔聳霄
漢金碧耀天關轉層麓穿仄徑躡重巒來到大觀臺
上直欲斗星攀東望滄瀛盃水南對君虞土阜西北渺
塵寰跂石試長嘯林木助高寒

徐張維

字霞江
崇明人

菩薩蠻

集古人句題紅雪詞

春山斂黛低歌扇

歐陽修

千聲萬字情何限

李後主

誰唱縷

金衣

王觀

一團紅雪飛

辛棄疾

夭桃惟是笑

李商隱

處處憐

芳草

牛希濟

香蟻且同斟

韋莊

玉鈿何處尋

姜堯章

周 良

字耕綠婁縣人諸生

鷓鴣天

和張梅坪春日郊行

花氣霏微柳色新
乍寒乍暖近清明
波縈霧縠澄逾鏡
峰列煙鬟翠若屏
鶯語滑
燕飛輕
東郊滯
煞踏青人
冶遊心事濃如酒
若箇閒窗解惜春

邵廣銓

字蘭風常熟人諸生

卜算子

夢逐雁南飛
陣陣風攔住
坐擁寒衾子
細聽落葉多如雨
影事記燈前
千里江南路
一樣閒愁訴
不清無數
涼蛩語

臨江仙

記得連番春夜雨。小樓翦燭同聽玉。肩斜彈眼忺惺。今
生還未卜。偏要說來生。一幅冰綃親付與。同心結子
瓏玲細將。辛苦苦。丁甯繡成花。一朵數盡漏三更。

珍珠簾

偕袁蘭村坐月有感用山中白雲詞韻

閒愁無數生眉宇。看冰蟾微露鄰牆敲。處窗。外亂蛩鳴
和漏聲如雨。寥落天涯秋易感。拚一棹吟鞭歸去。不去
怕拋卻琴書誤人千古。多少未死名心。嘆長楊此日
誰人詞賦。落葉墮西風間。飄零何許。遙憶故山。猿與鶴
應笑我紅塵纏住。且住。奈舉酒長空問天無語。

金縷曲

中秋旅夜

又是中秋矣恨天涯頻年浪跡欲歸無計也有團圓人
共坐看取當頭月子奈不似故鄉情味三十回圓重細
數問何曾照我愁如此彈指過斷魂事無聊客緒金
尊底况聽來鄰家玉笛隔花吹起遙憶深閨人影瘦可
向闌干閒倚更剔盡銀燈眠未南雁成行雲翦葉盼寒
衣早爲離人寄西風冷逼窗紙

祝英臺近

碧雲停紅豆撚金井轆轤轉心似春蠶縛向萬重繭早
知千種纏綿一般悵阻倒不若未曾相見尺書展難

道解語如花不解意深淺幾度尊前擬把舊愁遣卻憐
放下眉頭兒來心上渾未信并刀能翦

齊天樂 雪聲

冷雲封住蒼苔徑簷鈴數聲輕擊低唱玲瓏淺斟鑿落
拚任瓊飛盈尺圍鑪前夕卻換得今番恁般蕭槭寒漏
沈沈帶將絲雨和愁滴 相思遮斷繡幕杳無人過訪
舉動簾額鶴夢猶酣梅魂未醒何處珮環消息樹閒遙
憶更聽不分明玉階踪跡多事瓶笙沸來香案側

摸魚兒

太匆匆百年將半人生能幾番聚碧城舊約難憑證誰

信嬌雲留住春一樹忍再見飛花飛絮沾泥去相看不
語賸蠟燭多情替人惜別紅淚滴如雨天涯路負了
清樽幾度芳時知爲誰誤青桐三尺知音少何況相如
詞賦闌屢拊算一角銀牆便是銷魂處鵲啼最苦問衰
草斜陽何人攜酒澆向趙州土

又

余自河閒復至京師往回僅兩月耳去錢謝庵
吏部委化日已匝月矣與袁君蘭村重集綠柳
楠精舍人琴增感悲而成詞

怪匆匆六旬別耳滄桑變幻如此通離亭三兩關心語
那分緣終今世廣君竟死通問碧海紅塵更有誰知已
廣銓魂兮歸未通聽子夜啼烏虛堂鼠鼠鉛淚落如水廣
銓

杯浮蟻可尙能來一醉

通

欲呼君飲無計

廣銓

風吹遺

挂翩翩動疑欲振衣而起

通

寒月底

廣銓

把薤露歌殘心

逐霜花碎

通

古歡永墜

廣銓

歎呂掩書墳楊歸元塚此恨

幾時已

通

侯士驤

字春塘金匱人諸生

浣溪紗

試問黃花瘦幾分釀寒天氣正愁人莫因閒事損精神

雁柱啼殘孤軫月麝衾捲破半牀雲不關心處亦銷

魂

菩薩蠻

含情悄倚屏山立春宵怕見如眉月眉似月纖纖愁痕
連夜添兩枝紅燭並濃淡人雙影幕地眼波回相看
還自猜

浪淘沙

盼到柳條青已過清明落花如雨聽無聲不信一春憔悴
意單爲啼鶯斜月滿空庭香霧冥冥簾紋似水夜
淒清睡去總然無好夢卻勝愁醒

河傳

塞下曲用飛卿體

殘月如玦照平臯捲地西風怒號穹廬行炙酌葡萄呼
曹天寒北斗高簞簞聲悲人醉也更三打射虎蘭山

下折飛簷沒石稜先登馬蹄雲萬層

蘇幕遮

寄懷楊蘿裳時在蜀中

笑裁詩閒賭酒記得相逢剛是櫻桃候小院寒生花影
瘦金葉拋殘忘卻春宵久望巴山遮隴岫脈脈心情
夢裏空頻逗開到藥闌紅豆蕊試問東風莫道人如舊

瑤華

春雪次蓉裳先生韻

怕教春見應背春來何事隨春墮紛紛飄灑留難住憑
仗冷雲縈鎖圍來一掬貼梅萼易融香唾倩東風熏染
須勻樹樹綴成冰朵惜他暖玉弓弓諒深掩重門對
影癡坐庭心簷角奈向曉已被晴霞烘破苔痕借潤看

綠意生姿婀娜恁心情也逐寒消秀句飛來難和

喜遷鶯

春聲

夜鳥啼了正一霎消凝東風催曉塔院鐘沈驢岡鐸應
喚起舊愁多少記否鸚哥饒舌響板呼來嬌悄鈴索動
聽輕搖簾押折花低笑懊惱芳信杳消受今番淒切
邊城調穿綠雛鶯棲香小燕共訴朝來寒峭剛是餽簫
遞去又恰風箏吹到晴窗裏把羈人歸夢做成草草

南浦

帆影

風正挂蒲高認中流片影參差來去半幅淡相隨澄暉
裏劃破幾重煙樹迴搵捩舵沙灣綠轉痕斜露鷗倚鷺

翹渾未醒已過蘆碕荻浦
軟波帖帖輕移漸微茫遠
逐閒雲飛度殘照欲低時
江樓畔應有消魂人數離情
無據一痕搖曳留難住霞斂遙山
奩翠暝颺入月陰深處

李堂

字允升號西齋錢塘人有梅邊笛譜

醉太平

湖上新柳

朱闌粉牆千絲萬行幾番新
月初陽費工夫染黃鴉
兒慢藏鶯兒正忙畫眉纔學
新妝惹春愁漸長

祝英臺近

題汪劍秋除夕祭硯圖

紫姑迎司命醉豔豔閃紅燭
冷炙殘盃致敬到頑璞如

何猶戀寒瓊常親故紙豈無分帶圍腰玉 再三瀆縱
然石不能言非議自存腹吾譬良田筆耒汝耕築倘得
勤苦隨時刈收雲黑定不負滿車私祝

瑣窗寒

爲汪小米題其配湯漱玉女士寒閨病趣

鵲鏡慵窺螺屏鎮掩曉寒初透黃花老去應笑比伊消
瘦只風前吟情未闌撲簾柳絮飛還又每隱囊坐倚烏
雲斜鞦碧簪全溜 金獸香溫久縱一線添長倦成賸
繡油窗靜閉檢點藥鑪茶臼展苔箋梅朵滿枝冷紅戲
點過九九奈多時悶損相如預勸傳柑酒

八聲甘州

寄懷郭頻伽客吳興

上湖樓重覓舊留題醉墨數行斜對沿堤夜火隔汀風
笛人渺天涯料得垂虹橋畔秋水沒蒹葭不獨西湖月
零落鷗沙誰念天涯芳侶早酒邊花外鬢點霜華便
浩歌歸去憔悴已堪嗟甚如今綠蓑青笠又煙波何處
可浮家苕溪曲一篷涼思吟老蘋花

滿江紅

戊辰秋九與金谿見堂小茗丹生諸君相聚西湖逾月各將他適詞以志別

如此湖山能幾度良朋勝游纔盼到酒香菱熟已是殘
秋舊雨聲消黃葉路新寒夢醒白蘋洲正風前一笛弄
淒清人倚樓 婁東水家尚浮竹西月客還留更蹇驢
衝雪遠度盧溝叢菊怕沾羈旅淚疎楊難綰別離愁把

閒情且付與煙波隨去舟

望湘人

秋水

正回潮落處反照明邊暮天初放新霽半帶蘋風半沈
蘆雪鷺下驚涼還起碧極涵虛淡將成夕無痕無際對
一江如練平鋪畫出吳楓詩意濠濮高踪渺矣坐苔
磯窺見鬢華如此是何處人歸櫓逐雁聲搖曳溪頭漲
合亂和殘葉冷浸漁扉深閉又望斷遠浦來帆翠閣凝
眸人倚

楊嗣興

字磊軒陽湖人
諸生有餐玉詞

蝶戀花

淺淡銀河垂玉宇坐到更深華月流雲吐菡萏香清初
滴露虛堂今夜涼如雨可是秦臺簫鳳侶難道芳辰
偏爲歸愁誤悵望遙天無可語幽懷付與吟蛩訴

淡黃柳

河梁賦別愁見花如雪此後相思尤恍惚一帶遙山淡
抹門掩春風聽啼鴂最淒絕同誰展湘簾任無酒過
佳節怕歸來欲訴先嗚咽握手相看黯黯凝恨莫也將
人再撇

高陽臺

送李心咳之苕州

天意留晴霜花競豔行旌欲發難禁飄泊頻年關河最

葉紛飛薄酒孤斟 栖遲顧我真何似但半氈寒擁兩
鬢霜侵夢繞青齊長教別緒盈襟何堪又送離人去溯
征程山遠雲深怕春來歸燕飛飛雁信沈沈

國朝詞綜補卷二十五

無錫丁紹儀杏船輯

畢華珍

一首

黃仁

五首

劉會恩

一首
補詞

劉嗣綰

八首
補詞

屠倬

六首
補詞

戴圯

一首

周之琦

六首
補詞

錢儀吉

一首

趙植庭

三首
補詞

李紹城

一首
補詞

秦耀曾

五首
補詞

丁榕

七首

徐保字

一首
補詞

吳蘭修

五首
補詞

陸坊

一首

包世臣

五首

黃本騏 三首

梁信芳 三首

陸費瓊 二首

齊彥槐 一首

畢華珍

字子筠太倉人嘉慶十二年舉人官知縣

金縷曲

湯雨生與其夫人合繪畫梅樓圖索題爲倚是解

花裏層樓小住何人一家仙卷一般風調四面香光成
世界消受月媚雲妙愛倩影天然畫稿商略苔枝斜更
瘦訝涼蟾移上紗窗悄招雪豔屈霜編 梅花已是修
難到况修成萬花頂上比肩雙笑麗句玉臺酬唱徧詩
人無聲更好認磨墨謝家芳草道是人閒渾不信便劉
樊也覺才名少描黛筆笑京兆

黃

仁

字研北蓁縣人嘉慶十二年舉人官山西同知

菩薩蠻

虞美人

虞墩碧血埋難了年年化作相思草
豔極不勝嬌春風瘦舞腰
花開花落易點點燕支淚那
不更消魂江東日暮雲

探芳信

用周草窗體

探芳圖正草種宜男花栽嬌女
早有人門外癡絕幾延
伫小紅偷按霓裳豔一霎羞眉
嫵拂鸞箋媚態幽情都
傳豪素明月澹窗戶悵春雨
飄蕭秋風遲暮仙子蓬萊
何日啟瓊宇哀蟬落葉迴心
曲洄漏防鸚鵡斷愁腸

國朝詩集卷之三
多少年時情緒

水龍吟

弔陳蓮峰提督化成陣歿吳淞口

海天獨障狂瀾，鳶飛欲墮，愁無際。鼉梁乍駕，鶴軒何處，沙蟲爭避。大樹思公，長城壞我，石銜填未。把純鉤欲試，唾壺頻擊，揮難盡，英雄淚。畢竟將軍不死，跨長鯨，敵魂猶悸。金戈鐵甲，雲車風馬，雷霆精銳。豹苦留皮，雞羞斷尾，有如江水。報馨香俎豆，泐峰同壽，壯乾坤氣。

摸魚兒

謝朱子鶴餉尊卽用見寄原韻

問當年季鷹何事，相思偏在秋老。波光萬頃和風颭，一暗碧催詩稿。夢遠眺，記亭倚垂虹宛轉。心縈繞，漁師乍

報恰雉尾初齊龍髯新長風味絕塵表
蒙持贈伴以
瑤華寄早纏綿如抱蘭抱鄒陳唱和圖重繪添箇采春
游權思浩渺把錦帶羹調頓許閒愁掃相逢醉倒道羊
酪休提河豚未上第一露葵好

金縷曲

已巳小春怡園賞菊韓瘦山攜所藏元人
朱碧山所製銀槎角酒率填是解

排日瓊筵啟展重陽還來就菊紅箋分遞觴政別開生
面好貫月槎先索醉把吞海豪情勾起五百年前緣久
種鑄黃金幻作鴟夷子君看取碧山製霜腴花亦增
歡喜影搖紅燈光偏照十分丰致老我婆婆狂態在笑
嚼寒香沁齒渾忘卻瘦人天氣玉漏沈沈都不管問仙

鄉只在銀潢裏牛斗犯客星指

劉會恩

字時庵丹陽人嘉慶十二年副貢生有曲阿山房詞

浣溪紗

懷友

樓倚長溪遠遠斜布帆飄處想歸槎又看秋水蕩蒹葭
一抹愁煙偏挂柳半窗涼月慣銜花知君此際正思
家

劉嗣綰

字芙初陽湖人嘉慶十三年進士官編修有筆船詞

醉太平

蕉窗碧牋苔階綠錢夢來曾抱秋煙是今年去年秋
雲掃天秋河捲簾有誰同話秋邊算秋蟲可憐

采桑子

不堪更聽思歸引
風笛淒涼說向秋娘蓮子心頭各自
嘗
明朝又傍空江宿
多少鴛鴦泊粉飄香那得雙魚
到謝塘

浪淘沙

落葉下重樓
暮雨颼颼病來和影說綢繆不是芭蕉窗
外語
忘了深秋
料理舊時愁藥盃茶甌無聊猶自倚
香篝二十五聲今夜點點點心頭

南鄉子

春事已闌珊
一兩青鞋倦往還
記得故園風景好憑闌

齊菜花開三月三
兀自掩柴關芳草無多忍再刪卻
借一鞭樓上指君看綠徧江南岸岸山

惜紅衣

藕粉

玉井閒評冰盤細譜飲香誰數爲擣瓊霜秋來借仙杵
粉郎身世全不近箇人眉嫵淒楚待約西家說空房心
苦輕調翠釜勝似芙蓉濃分小釵股紅蕸綠盃準擬
領茶部素手者番擎出猶帶滿汀風露問青蓮舌上一
瓣冷雲誰吐

滿江紅

鞭

芳草淒迷直指向玉人樓畔君不見斷腸春色幾番重

換雲路著來渾未穩江流投去何曾斷趁綠楊陰裏綰
輕絲平分半 驢背雪橋邊看牛背笛邨頭喚也不須
更約五陵遊伴歷歷鈴聲隨夢繞匆匆帽影和愁亂恰
曉風殘月好思量江南岸

揚州慢

答董琴南寄懷

酒薄催冰鐙昏釀雪空庭惱亂荒鴉恰故人書到一笑
破梅花記橋下春波別後橋都斷了煙柳空斜待思量
影事回頭隔幾重紗 書雌琴南齋名何許道藥鑪伴過年
華便茂苑昏黃蕪城慘綠各自天涯還恐寒江凍合今
宵夢流不歸家問曉風堤畔何人替拍紅牙

百字令

趙北口和樂蓮裳韻

十三橋畔似江南新水蕩來春曉添上軟紅塵一路總
被白雲閒笑柳髮全髡槐心半死斷送行人老羨他漁
舍短蓑眠穩芳草卻憶南渡倉皇北征慷慨往跡煙
消了今日候兵無箇事臥看酒旗低掃雁雁衝寒鴉鴉
接影日落河聲繞蒼茫立馬古愁飛下多少

屠

倬

字琴鵬錢塘人嘉慶十三年進士官九江知府有耶溪漁隱詞

蝶戀花

明月闌干花影韁一點流螢穿向花陰過消瘦箇人憔悴我檀槽撥得秋心破閒理雲鬢燈下坐拋卻犀簪

懶待重梳裹中酒情懷猶是可病兒卻是秋心做

定風波

開到梨花第幾株。輕陰簾幙雨疏疏。比似去年春更好。
芳草。綠茸茸處已模糊。不耐春寒呼半臂。無事。燒殘
紅燭夜修書。一段琴心誰與說。三疊。自憐消渴病相如。

惜紅衣

殘荷

岸蓼延秋汀蘆戰雨滿湖蕭瑟半褪紅衣飄零怨寒碧
涉江采采記翠袖妙香空搥堪惜殘月曉風似一般狼
籍。余情脈脈擘了蓮房休將藕絲擘鴛鴦廿六睡醒
斂雙翼遠遠菱歌深處剩有數枝敲側奈鉛華都淨損

了六郎顏色

長亭怨慢

柳絮

問何事東風吹緊冉冉楊花蕩搖春暝淺水斜陽模糊
心事更誰省前塵如夢休誤把萍踪認禁得雨絲絲又
點上離人雙鬢不定釀游絲冒住黏著一重簾影韶
光漸老渾不管黛眉啼損記前度三起三眠早添了十
分幽恨只萬種春愁卻笑桐綿無分

憶舊游

梅雨既足周歷田間欣然樂之賦此以和
老農擊壤之歌

似僧衣補綴井字縱橫千頃沙田幾日黃梅雨早秧針
刺水一望如煙隔隴兒童來去浮鼻跨烏犍儘唱罷秧

歌綠陰肥處一覺酣眠
飄然點蕤笠是幾陣東風吹
落榆錢輸與農家好算一年雨熟幾箇豐年汨汨溝渠
已滿龍骨壁閒懸卻畫出新晴茅檐落日桑柘圓

六么令

試燈夕山塘夜泊送夏燕仲北上

玉簫聲遠吹落滿船月春風晚來先暖無數銀花發離
思重重煙水邂逅還成別清歌徐歇芳樽滿引莫更愁
人把愁說惜取吳門夜市正是燒燈節渡江休只匆
匆前路多風雪此去曲江杏雨花好終須折醉搔華髮
爲君起舞坐聽雞聲五更徹

戴

岵

字已山丹徒人嘉慶十三年進士官膠州知州

眉嫵

李清照小像

漸綠肥紅瘦。庭院蕭條無計款春在。竟日閒滋味。因循過嬌花寒食。微雨卷簾認。否想合歡枝上眉嫵更那得。漱玉清新筆。寫愁上綠素。無語飄零誰訴。甚覆茶調笑打馬情緒。金石傳遺恨。征鴻跡傷心。休問南渡玉顏。例苦況有才天意。先妒休惆悵。荼蘼花影裏。惜春暮。

周之琦

字穉圭。祥符人。嘉慶十三年進士。官廣西巡撫。有金梁夢月詞。

酒泉子

染黛天低。搖颺東風雲一縷。乍疑晴。還欲雨。雨迷離。麝薰消盡羅衾薄。涼意襲人人未覺。紫徘徊。紅躑躅。喚

春歸。

瑣窗寒

風窗

翠箔收寒。瓊鈎捲月。一番風緊。疎櫺半掩。隔斷滿階秋影。蘸銀牋。油花暗滋。午妝粉指。新留印。怕重來燕子。小門深閉。舊巢難認。方鏡玻璃。覩更玉墜。低懸獸環。相並朱繩。細綰。比似井闌斜引。玳梁深輕。籠篆煙。繡幃窺處。還易暝。未愁他。樺燭屏前。下簾紅袖冷。

眞珠簾

春影

豔陽畫出三春景。漾空濛。幾縷春魂。猶凝搖曳。絮飛時。弄瑣窗煙冷。一桁輕絲。吹不斷。被燕剪。捎來難定。幽境

儘看朱成碧玉闌閒凭 何處笑倚娉婷有娥池省識
東風妝靚半面倩誰描更柳遮花映偷眼蜻蜓窺未足
似鏡裏燈前曾並人靜奈簾波緩緩蕩碧雲催暝

陌上花

薛濤井

高唐夢後朝雲留下楚臺遺韻。一曲琴心容易翠翹偷
近。玉蟬金雀嬉遊處。千古風流無盡賦。閒情況有巴箋
十色待題幽恨。向迴闌。恁瓶沈信杳。且喜銀牀堪認。
照影嬋娟誰似掃眉人俊。枇杷花落閒門閉。治思空傳
蘭訊。錦江春付與樓陰修竹。幾堆香粉。

探芳信

茶憩敷水驛香山詩所謂上得藍輿未能
去春風敷水店門前是也用史梅溪體

曉鶯喚似陌上柔桑秦箏彈怨想畫樓初日芳魂定餘
戀素波不照嬋娟影遣恨天涯遠遣羈愁豔質難留好
山還見 依約翠眉展尙髣髴城南那時人面秀倚東
風露華映黛痕淺玉蓮花色春如笑任著梢頭看店門
前怪底藍輿去緩

綺羅香 香篝

薰炷藏春湘筠借暖曾說秦宮遺製金屋攜來有約鏡
邊簾底描一幅象篋疎花護幾片鵲鑪沈水向煙絲認
取檀痕斷魂誰與篆心字 蘭釭紅穗未滅想見都梁
乍熟銀屏無睡犀蝶雙雙解了又還重倚好商量坐久

添衣自消領夜闌，俱被儘從他。畫鳴燒殘繡幃，懽更啟

錢儀吉

字星湖嘉興人嘉慶十年進士官給事中

水調歌頭

鄒鍾泉太守見示試院對月之作欲和未能賦此奉答

操斧守仙闕之子是吳剛，驪珠三百三十飛墮。月中央

此際瓊樓玉宇，徧灑吉雲沈露。秋思浩無方，借問碧霄

畔，何客奏霓裳。少年時，辛苦地，最難忘。荷花桂子，回

憶今夜夢錢塘。有日朱旗畫戟，去領湖光海色，聯咏闌

壺觴。只恐鏡中影，青鬢點微霜。

趙植庭

字樹三陽湖人嘉慶十年進士官刑部郎中

八聲甘州

秋海棠

怡亭亭初見粉牆陰一簾月黃昏記西風昨夜朦朧吹
散夢裏嬌雲怕惹胭脂濃淚移傍綠窗人樺燭搖紅影
能不銷魂一曲闌干小倚看花枝旖旎便抵穠春倩
苔濃蘚碧遙與護情根亞雙鬟愁心深裏更不教香麝
惹秋痕應拋卻相思紅豆長對清樽

齊天樂

雪影

冷雲一徑霏瓊屑紛紛玉堦輕駐冰鏡空黏霜花細颭
閣外陰陰寒沍荒苔故路恐纔著斜陽便成煙霧踪跡
天涯籠衣消息幾回誤珊珊瑤珮認取奈相思似水
清淚遙注梅月留痕梨雲款夢合稱清寒情緒回闌曲

處看鶴影依稀有人延佇暗換晴春幾絲防做雨

菩薩蠻

明金壓繡鴛鴦錦流蘇寶帳棲香穩三五月團圓相思
和夢圓愁深眉黛淺人隔屏山遠鈴語五更風燭殘
花轉紅

李紹城

字築初仁和人嘉慶十三年舉人有澹畦詞

八聲甘州

香篆

悄無人小鵬畫屏幽絲絲篆煙浮正茗椀停烹笙簧罷
炙密護羅幃縹緲碧雲凝處心字裊悠悠窗罅微風觸
詰曲旋收倏見亭亭潏起幻齋環釵腳小漾銀鈎配

天邊雁字涼影一簾秋撥芳灰閒臨古帖願溫麝長伴
墨香留更何處玉鑪熏暖旖旎紅樓

秦耀曾

字雪舫江甯人嘉慶十三年
舉人官郎中有桐鼓齋詞

陌上花

將之江西留別孫月坡茂才

鶯慵燕倦春殘還又扁舟催理短短蘆芽引著片帆千
里驛門不用栽楊柳已是魂銷流水待新詞譜就鵲絃
彈處怕人垂淚恁江干認南朝勝跡怨碧愁紅無際
坐向蓬窗多少舊情重記渡頭一枕游仙夢袖帶匡廬
雲氣把歸期再訂黃梅熟後棟花風裏

掃花游

隨園雅集

小倉舊壑是白下名區謫仙幽築客邀不速記披襟水
際共敲碁局幾日重來驟變池塘嫩綠對喬木聽蟬已
無多淒曳琴曲荒徑人不到招一片涼雲石牀同宿
鶴歸遼海尙分明笑我苦吟仍獨可惜亭臺歇了謝家
絲竹賸華屋又愁他俊游難續

西子妝

晚泊大池溝

倚舵尋詩推篷讀畫不覺荒溝日晚疎林煙鎖悄無人
古牆陰水螢飛散鸞環村堰正繫纜籬根吠犬看潮痕
甚今年已沒垂楊沙岸難消遣竹外誰家閉卻門雙
扇有人紡績不成眠隔窗櫺露燈一點閒吟堤畔忽驚

起碧蘆孤雁恰殘蟾低向亂流中見

長亭怨慢

送袁竹畦赴吳門

忽辭我揚帆東去屈指歸期幾回凝伫此日山塘曉霜
灑徧踏青路數行衰柳誰更繫歌船佳倦客夢隨潮穿
溷荻一枝柔櫓重晤算天涯草色怎及故山雲樹旗
亭賭唱縱博得豔名何補向蒼山且倒金樽漫同話他
鄉驕旅恰對岸幽篁添了疎簾煙雨

疏影

寒柳和孫月坡

霜凝霧積把大堤老柳皺上寒色水驛山村曾記長條
鶯黃乍染濃汁藏鶯掠燕無多日忽轉眼者般蕭瑟想

笛人袖卻惹尖倚檻怕吹橫笛
偏有昏鴉數點恰來
疎影裏聊慰今夕已過秋風憔悴關河惹得行人悽惻
斜陽紅到闌干角熨不暖幾絲愁碧待好春偷畫纖眉
只恨玉驄遙隔

丁 榕

字鳳千無錫人嘉慶十三年舉人早卒有雙梧詞

浣溪紗

纔過清明上巳天鶯喉漸老柳飛綿東風吹送雨廉纖
懊惱一春愁裏過未曾把酒杏花前江干閒煞木蘭
船

采桑子

瓊樓曉起銀屏凍莫倚危闌又倚危闌雁送西風撲面
寒聲聲碎玉鳴簷鐵怕說心酸早已心酸冰雪關河
去住難

南柯子

花氣和煙醉春光倩蝶傳一庭濃綠間誰憐只有蝶魂
還欲抱花眠惆悵尊前景依稀似昔年踏青人去草
痕鮮不道零紅數點尙嫣然

蘇幕遮

暮寒生香霧重芳草春遲未透階兒縫疎影橫窗偏耐
凍新月多情又把花枝弄夜方長誰與共枉刺鴛鴦

繡被還孤擁聽得簫聲天外送何日秦樓攜手騎雙鳳

醉花陰

荳蔻湯溫初罷浴悄倚雕闌曲一院藕花風賸有流螢
入幕窺簾熟夢隔巫雲峰六六耐盡良宵獨待月月
生遲小扇輕揮翠簟涼蘄竹

滿庭芳

雨釀輕寒風催小霽一庭夜合開齊瑣窗夢醒恰恰乳
鶯啼最是烏衣無賴晶簾畔污徧芹泥情何限玉笙吹
罷獨倚畫闌西天涯歸信杳裙腰芳草綠滿長堤對
蕉書半展如見封題向晚新螢飛度穿珠箔欲上還低

翻輸與錦鴛狎水雙宿又雙棲

木蘭花慢

新月

柳梢光半吐殘雨歇小庭幽似鏡匣微開纔呈一線試
照瓊樓姮娥諒多幽恨淡眉痕曲寫遠山愁想見金波
蕩漾潛鱗也怯吞鉤象梳斜傍玉搔頭綺閣晚妝收
正雲母屏空水晶簾捲獨倚筵篴清輝未能久駐悵黃
昏寂寞思悠悠誰炷心香遙拜背人細語無休

徐保字

字沅舫歸安人嘉慶十三年舉
人官甘肅同知有抱碧堂詞

山花子

紅板橋西白板門吳娘暮雨唱黃昏還向東風花下醉

不堪聞 天上月痕悲素女馬頭草色怨烏孫同是天
涯淪落意最銷魂

吳蘭修

字石華嘉應人嘉慶十三年
舉人官教諭有桐花閣詞

蝶戀花

恨縷情絲紛似織病過花朝又是逢寒食多少春懷拋
不得都來壓損眉峰窄 爲底愁腸成百結一味多愁
只恐非長策葬罷落花無氣力小闌干外斜陽碧

又

寄內

別後相思渾未空紅豆生生誤作多情種百轉流鶯花
底弄雨絲織得愁無縫 茗盃薰鑪誰與共瘦盡桐花

苦憶桐花鳳雙鬢漸疎釵漸重孤燈莫煮宵來夢

齊天樂

秋葉

寒林漸做傷心色零星又逢秋景烏桕村灣丹楓水次
幾樹涼蟬催暝斜陽略剩照點點微黃瘦偎鴉影爲囁
西風好教留取畫疎冷 黃昏還更索索柴關深掩處
吹滿三徑儘給茶鑪半堆棋院清絕有誰同聽蕭蕭夜
靜正夢繞闌干打簷驚醒看雨開門月痕亭角淨

金縷曲

甲戌歲暮將歸梅州適有廉州之行留別
諸友

風色寒如此聽離亭一聲鐵笛兩行鉛淚海上鷗盟吹
又散送我片帆千里儘極目荒涼煙水蟹火蘆灣今夜

泊情何人與說年時事潮落後短篷底
家山可奈還拋棄儘飄零殘書鈍劒半肩行李酒盡江城聞畫角最
憶柴門雪裏有萬樹梅花開未閒煞滿身涼月影怕相
思猿鶴都憔悴無限恨忍提起

疎影

題吳蘭雪悼亡姬岳綠春聽香館叢錄

簾櫳靜悄有青禽啼處深翠圍繞幾折回廊幾點苔痕
都是屐聲曾到薜蘿隱約裙腰碧襯一片傷心斜照甚
東風苦苦無情便把柳枝吹老 卻憶那時年少鬢雲
纔挽上眉際春小黛不禁濃螺也嫌深無可奈何懷抱
二分細膩三分怨總未許檀奴看飽嘆人生幾日相憐

腸斷一庭秋草

陸坊

字野橋平湖人嘉慶十三年舉人官永康教諭

探芳信

題湯雨生都督與其夫人合繪寫梅樓圖

間消息正黯黹雲凝繽紛雪積羨幾生修到梅花伴幽
絕羅浮曾記鞭梢指月落參橫夕盼遙天影射冰簾響
傳風笛神韻淡描得笑穠李含嬌海棠無力抹粉塗
脂空使趙昌筆風期況有閨中耦字擅簪花格倚消寒
一幅生香活色

包世臣

字慎伯涇縣人嘉慶十三年舉人官新喻知縣有白門倦游閣詞

拜星月慢

江夏陳玉生同年以中秋日悼亡爲作秋宵怨月圖

月色如銀有情偏照池樹淺明深暗燈炮芸窗異年時
亭院忍重看誰惜翳牀珊架依舊相映錦衾猶爛塵滿
瑤箏只素娥應見步蒼苔露氣凝波面星三五自度
銀河畔玉骨濯出冰壺禁博鑪香散廣寒人不念蕭條
館秋風急爲報寒蛩嘆拚只有夢訴長離奈驚魂易斷

六醜

過富莊驛訪謳者月梧不見土人述其所遭
已遞回高陽舊籍矣譜此誌之用清真韻

乍閒情賦就有多少新愁難擲舊時爪痕纖纖輕似翼
重認無跡卻指紅樓外晶簾低映一笑真傾國羅襦幾
度沾芳澤拾翠清流條桑繡陌年華可堪追惜竟雲封
院落蛛網欄欄空庭春寂任萋萋草碧欲問年時事

無信息垂楊不慣留客儘長條踈地嫋娜何極章臺上
記曾岸幘誰復省此日橫波月小斂煙山側殘紅墮漫
間歸汐只舊池好認高陽路孤根寄得

長亭怨慢

王西御茂才見虹橋外柳株被伐賦詞
弔之予適歸自都中感而屬和

記風外月明煙渚綠縐絲垂依依如許桂棹縈迴多情
點點繞輕絮惜春情重拚付與新紅雨怎會得青青便
怨絕長亭吟苦 延佇盼東君不見況說危闌無主湖
山未改忍重問當年張緒縱杜宇喚得春歸只橫笛傷
春何處賸賦就蘭成悽愴江潭前度

又

富莊驛聽雨用玉田生體卽用其韻

經幾度敲窗秋雨望入交河聲聲淒絕落盡霜梧并教
隔盡照霜月重簾濺透憶青女容光全別碧玉隨風休
再問鳳簫哀歇 嗚咽只尋春去暮便惹杜郎愁結酒
狂猶是忍重把高陽池說憑翠鳥傳語層城恐驚墮寒
香仙蝶任簷溜無情滴到天明時節

金縷曲

南皋店聞琵琶用辛稼軒韻寄都門諸子

候館銅琶撥正高堂纖埃沈盡半輪寒月百丈飛泉傾
秋淵遏盡西風不發只一夜雙蓬如雪楚客離憂三十
載間行藏心共孤雲沒偏付與四絃說 開元舊譜真
傳絕笑憑他偷腔換拍暫調眉睫誰復千金言聲價一

日長安聽徹悵好夢有如煙滅鐵笛李郎風流杳更龜
年高唱同衰歇誰能解此悲咽

黃本騏

字花耘甯鄉人嘉慶十三年
舉人官城步訓導有十花詞

踏莎行

倚劒窗西濡毫硯北五湖夢醒登樓客疎疎落葉一林
深珠簾澹染秋陰碧韻竹青低香蕉翠滴披衣露坐
蒼苔石楊枝醉舞紫雲歌月明花外流煙白

長亭怨慢

撫溪留別次鄧蘭坡韻

聽邊角冷吹明月一枕吟魂夢回驚絕寂寞湘騷美人
香草半銷歇眼邊愁碧喚多少亂雲接怕負了林鴉叫

不斷落花時節 鬢髮又分明燕語戀我櫓枝檣葉錦
箋寄與費幾度韻鬚輕打算綰住萬縷離心有垂柳青
回煙曉奈恨滿西風飛上礪尖城缺

水龍吟 白蓮

明波夜捲秋奩溶溶不辨香來處輕盈似笑惺忪似怨
含嬌無語涼夢吹雲倩魂漾水蕭疎風度蕩湘煙湖月
冷然一色湔洗淨塵襟暑 雙槳橫塘去去醒微醺飛
來清露那番記得疏紈扇冷軟綃衣舞有美人兮相攜
皓腕與花同住愛玲瓏到底情根不斷有相思縷

梁信芳

字香浦番禺人嘉慶十三年舉人有桐花館詞

蘇幕遮

六榕寺寺額尙係蘇文忠筆跡

寶陀門花塔路巧藉公輪法自蕭梁護九級玲瓏臨萬
戶箇箇金鈴閱盡興亡古 劒珠藏經卷貯舍利光寒

可有生公住妙墨留題鴻戲舞玉局風流曾數招提樹

水龍吟

半園銷夏

盼來紫托紅嬌如何一霎春歸也圓荷貼水新篁解籜
樹陰如瀉料理瓜棚商量茶具幾人清暇聽蟬琴蚓笛
如相賡奏問誰是知音者 梅雨頻番初罷敞南榮好
風來乍欲求稱意未能免俗何緣瀟灑葵扇攜將桃笙
展處筠簾高掛正北窗一枕蘧然夢覺坐桐陰下

金縷曲

歌舞岡

一尉聞南武但閒看中原逐鹿自娛歌舞燕蹴鴻翩更
迭奏響徹瓊樓玉宇憑展眺萬家烟樹敢恃偏隅耽宴
樂早三關準備軍如虎名花謝霸才古章華臺圯阿
房炬想當年風流魁結海天雄踞一片笙簫圍錦幄映
帶連岡迴互問遺跡而今何處莫訝臣佗饒智略好長
篇文字西京祖花月事且休數

陸費瑯

字春帆桐鄉人嘉慶十三年副貢生官湖南巡撫

玲瓏四犯

竹簾

纖雨篩煙記翦斷湘波清淚盈把一桁蕭疎恰恰曲闌

低亞早是午夢初回。剛扶起梳頭。纔罷。怎被他正面偷
窺。悄立刺桐花下。碧陰陰。地無重數。認依稀。紅嫣紫
姝。珊瑚不動。釵聲顫。微度晚風。蘭麝好待乳燕歸來。準
擬玉纖親挂。有半規斜月。曾照徹玲瓏罅。

玉漏遲

藤枕

翠圍羅幄小。蘭房晝靜。又過春杪。細綰春絲。合伴紅蕤
嬈娘。橫倚冰紋簾上。奈覩覩。鴛衾侵曉。情懊惱。玉釵旁
墮。鬢雲濃繞。休待綠葉成陰。縱瓔珞垂珠。未妨迴抱。
捉搦移時。膩得粉痕多少。好貯一函茉莉。正夜半。夢回
香嫋。人語悄。雙敲也曾雙笑。

齊彥槐

字梅麓婺源人嘉慶十四年進士官太倉知州

醉蓬萊

讀沈閨生清夢齋詞賦此題贈

望白雲天外鶴唳長空數聲清遠寫入琴絲定幾番淒
斷夢裏尋春香邊覓醉問冶懷誰管一榻疎燈一窗涼
雨一簷殘篆記我當時選歡評豔頻拭啼衫慣迎歌
扇譜得新聲付小紅低按病燕辭秋瘦鵲催暮悵鬢華
潛換片月昏黃爲君斟酌自成愁伴